

# ОИДОН ВА ЖАМИЯТ

34

сон

1997 йил  
20-26 август

Ўзбекистон Республикаси Мустақиллик куни — 1991 йил 1 сентябрдан чиқа бошлаган

Муассислар: Ўзбекистон Республикаси Хотин-қизлар кўмитаси, Болалар жамғармаси ва «Соғлом авлод учун» Халқаро хайрия жамғармаси



Она ва боланинг буюк муҳаббатидаги дилбарлигу шукроналик завқи сир-асрорларини аёл ҳамиша чўғланиб турган юракдан чин дили билан ҳис қила олади. Яхшиларнинг фикру шуурлари меҳр-оқибат, диёнат ҳамда дийдорлашув ифрлари билан лиммолим. Энг муҳими юрт фаровон, ниятлар холис. Тирикликда ҳам худди суратдаги каби бахтиёрлик бисёр.

ТААССУРОТЛАРИ БИР ОЛАМ

— Май ойида Гиждувон туманидаги 32-«Меҳрибонлик уйи» тарбияланувчиларини Бухоро вилояти буйлаб саҳнатга олиб чиққанимизда, уларга ўқув йилини фақат аъло баҳоларга битирганларни Тошкентга элгамиз, деб ваъда бергандик, — дейди «Соғлом авлод учун» Халқаро хайрия жамғармаси Бухоро вилоят бўлими директори Сония Қодирова.

Жамғармадагилар ваъдаларининг ўстидан чиқишди. Куни кеча «Меҳрибонлик уйи»нинг 50 нафар тарбияланувчиси мустақиллик байрами арафасида янада чирой очиб боратган пойтахтимизга томошага келишди. «Меҳрибонлик уйи» директори Бехзод Билоловнинг айтишича, Бухоро нефт маҳсулотлари базаси, «Шохрух» фирмаси, Бухороавтотранс акциядорлик жамияти, Бухоротуризм, Бухоро меҳмонхоналар комплексси ҳомийларининг бегараз ердами туфайли ушбу талбир амалга ошган. Тушгача «Тошкент-ленд» дам олиш боғининг ранг-баранг аттракционлари болажонлар хизматида бўлди. Шунингдек, улар Тошкентнинг диққатга сазовор жойларини, Темурийлар даври тарихи Давлат музейини томоша қилдилар.

Ўз мухбиримиз

Хабар

## ИСТИҚДОЛ ТИЛИМИЗДА ВА ДИЛИМИЗДА

Шукуҳли кунлар

«Келажақ бугундан бошланади», — дейишди. Шунинг учун мустақиллигимизнинг олти йиллик туйи арафасида келажагимиз эгалари бўлмиш талаба ёшлардан бир гуруҳини суҳбатга тўғиб, уларнинг истиқлол тугрисидаги фикрларини билишга қизиқдик.

**Жамшид ДАВЛАТОВ, Тошкент давлат юридик институти талабаси:**

— Утган ҳафта республикамизнинг иқтидорли ўқувчи ёшларидан қирқ нафари ўқиш учун АҚШга кетгани оммавий ахборот воситаларида хабар қилинди. Бир вақтлар Москвага бориб ўқишни олий бахт деб билган ўзбек йигит-қизлари бутун АҚШ, Германия, Англия, Туркия каби мамлакатларда таҳсил олиб, жаҳон тан оладиган, жаҳонни лол этадиган мутахассислар бўлиб етишишга интилишмоқда. Буларнинг бари мустақиллигимизнинг шарофати!

**Кулмат ШАКАРОВ, Тошкент молия институти аспиранти:**

— Мустақиллик бизга қуп нарса берди ва бу ҳақда тухталиб утиришга ҳожат йўқ. Энди мустақил юртининг ҳар бир фуқароси ўз дилида мустақиллик тушунчасини қарор топтириши керак. Олам узини мустақил сезандагина мустақил фикрлайдиган, мустақил-иш юритадиган бўлади. Шундагина у истиқлолнинг нақадар улук неъмат эканини англаб, уни мустаҳкамлаш учун ҳаракат қилади, бу йўлдаги говларга қарши дадил курашади.

**Маъруф ТОШПҮЛАТОВ, ТошДУ журналистика факултети талабаси:**

— Ҳиндистон, Покистон халқлари инглиз мустамлакасидан озод бўлганларининг 50 йиллигини нишонлашди. Истиқлолга эришганига ярим аср бўлибдики, бу давлатларда ҳалигача муаммолар тулиб етибди. Ўзбекистонимизда эса тарих учун арзimas вақт бўлган олти йил ичида шундоқ ишлар амалга оширилдики, булар диеримизнинг иқтисодий, сиёсий, маданий-маърифий салоҳияти юксаклигидан далолат беради. Уткнчи қийинчиликларни рукач қилиб олиш, оҳ-воҳ уриш эса ношудликнинг белгиси холис.

ДОНИЁР ёзиб олди



Оила — табиатнинг шоҳ асари, жамиятнинг эса дуру гавҳаридир. Туркий халқларда жуда қадим замонлардан оила нақадар юксак даражада қадрлаган: «Аёл киши коса-пиёлаларини ташлаб уз йулига кетди, яна яхшилаб уйлади, коса-пиёлаларини ташлаб қасрга бораман, деб яна қайтиб келди, коса-пиёлаларини соғ-саломат топди, у севишиб, хурсанд булар дер, шундай билинлар: яхшидир бу» («Ирқ битими» (42) Мазмуни шундай: Коса-пиёлалар — аёл кишининг тақдири, рўзғори, оиласи. Демакким, бу парча одамларни сабр-тоқатли бўлишга, оилани эъозлашга ундайди. Ҳа, дунёда ҳали ҳеч ким оилани бузиш тўғрисида фикр айтган эмас.

Одамзод тафаккур нури билан безанибдики оиланинг поклиги ва боқийлиги хусусида қайгуради, назариялар яратади. Куръони Каримда ҳам оила мустақамлиги энг тоза туйғулар сифатида эътироф қилинади: «Агар бирон аёл эри томонидан кунгилсизлик ёки юз угириб кетиш содир бўлишдан қурқса, у иккови узаро бир сулҳга келишиб олишлари зарарсиздир. Сулҳ (ажралиб кетишдан) яхшироқдир. Нафслар қизганишга ҳозир нузир бўлиб турадилар. Агар аёлларингизга чиройли муомала қилсангиз ва Оллоҳдан қўрсангиз (узингизга яхшидир). Зеро, Оллоҳ қилаётган амалларингиздан хабардор булган зотдир» (Нисо сураси, 128-оят. Алоуддин Мансур таржимаси).

Шу мазмунда пайгамбаримиз Мухаммад А.С.В.) айтадилар: «Оллоҳнинг ҳалол қилган нарсалари ичиди Унга энг ёмон қурингани — талоқдир». (Ҳадис-9). Демак, оиланинг барқарорлиги тафаккур эгаларини ҳамиша уйга солган. Лекин начора, инсон ожиз қилиб яратилган эканда. Шу боис баъзан асосли, айрим ҳолатларда эса арзимаган тортишувлар натижасида гулдек оилалар барбод бўлади. Янгилари қўлимизда йўқлиги сабабли, эскирган булсада, мана бу курсаткичларга бир назар солайлик-а... 1970 йилда Ўзбекистонда оилавий ажралишлар сони 13 минг деб қайд қилинган бўлса, 1980 йилда 22,5 минг, 1990 йилда 30 минг, 1992 йилда эса 33 мингга ташқил этган. Нақадар дилхиралликлар. Бундай кунгилни вайрон қилувчи янчи ҳолатларнинг олдини олиш борасида ҳар доим ҳам кенг қўламда ишлар қилинган, бугун ҳам шундай.

Таассуфки, мақсадга эришишимиз анчагина қийин кечмоқда. Биз оила, уни мустақамлаш хусусида қатор «қасдиётлар» яратдик. Аёмо оиланинг барбод бўлишидан кейинги ҳолатлари хусусида деярли сўз юритмадик. Қарашларимиз доим бир ёқлама эди. Яъни ажрашибдими, тамом, улар ёмон инсонлар. Лекин қанчалик дилхираллик бўлмасин, оиласи барбод булган кимсалар маломат тошларига эмас, маънавий кумакка муҳтож эмасми?.. Бу нохушликлардан кейинги зўриқишларнинг олдини олиш борасидаги ишлар ҳар жиҳатдан манфаатли ҳисобланмайдими? Нима булганда ҳам оилавий ажралишларни икки қалб (ёшдан қатъи назар) ҳаётининг интихоси, дея олмаймиз-ку!

Мана Яратганининг каломи: «Бордию, эр-хотин ажралиб кетсалар, Оллоҳ иккаласини ҳам Узининг кенг қарамидан беҳожат қилиб қўйган (яъни ҳар иккисига ҳам аввалги турмушидан яхшироқ эр ёки хотин насиб

этиши мумкин)... Оллоҳ фарзу қарамидан кенг ва ҳикмат эгаси булган зотдир». («Нисо сураси», 130-оят. Алоуддин Мансур таржимаси).

Бас, шундай экан, оилавий инқироздан кейинги ҳаётни фақат, ҳасрат, иғво, алам ва уч олишлардангина иборат, деб англамаслик, аксинча диллар жароҳатига тезроқ малҳам топмоқлик тўғрисида теранроқ уйламоғимиз лозим. Шу маънода қуйида биз оилавий ажралишлардан кейин уйга толдирадиган болалар нафақаси (алимент) хусусида айрим хусусий фикрларимизни баён этмоқчимиз. Нафақа, унинг тарихи, илдилари ҳақида нима билемиз? Исролда бу тўғрисида нималар дейилган?

Бинобарин, туркий халқларнинг оила ва никоҳ ҳуқуқларининг амалда ҳозиргача давом этиб келаётган шакллари унинг илдири тарихан жуда қадимий даврларга бориб тақалади. Жумладан, Мут тоғи сўғ архиви деб юритилувчи VII аср охири VIII аср бошларига оид 80 га яқин ноёб ҳужжатлар (NOV-3 ва NOV-4) қадим ва илк урта асрдаги Ўзбекистон халқларининг оила — ни-

тиш Вгашфарн ўғли томонидан ёзилди... (қайд — Мирсолиқ Исҳоқов).

Мазкур никоҳ қонун ва қоидаларини бугунги амалдаги никоҳ қонунлари билан ҳам анчайин ҳамоҳанг эканлиги ута ҳайратланарлиқдир. Езма ҳужжатлар асослайдики, никоҳнинг барбод бўлиши оқибатида юзага келадиган аёл ва болаларга товондорлик қадимий даврлардан қонуний тусга кирган. Демакким, маълум дилхиралликлар оқибатидаги ажралишлардан кейин фарзандларимиз моддий ва маънавий кумакдан мосува қолмаслиги керак. Ҳаётда йул қуйилган нуқсонларни ўзимиз имкон қадар тузатмоғимиз лозим. Зеро, катталарнинг хатти-ҳаракатлари учун нуридийдаларимиз азобланмасинлар. Улар учун барибир меҳр ярим. Энди ҳеч булмаганда уларнинг



## «ТАЛОҚ ХУДОГА ҲАМ ЁҚМАЙДИ»

коҳ ва шу билан боғлиқ мулкчилик ва бошқа ижтимоий муносабатлари ҳақида қияоқ қилувчи муҳим ёдгорликдир.

Мазкур битикларда келин ва қувенинг бирга ҳаёт кечириши тўғрисидаги аҳдномасидан ташқари никоҳ ажрими, унинг оқибатида ҳар икки томон ҳам амал қилиши лозим булган шартлар хусусида ҳам қизиқарли маълумотлар бор. Мана сўзгача никоҳ тўғрисидаги битиклар: «Келажақда агар Уттакин Чатанинг руҳсатисиз бошқа хотин олса, ёки чўри ва ё (бошқа) шунга ўхшаш аёлни олса, борди-ю бу ҳолда Чатага номаъқул бўлса, у ҳолда эр бўлмиш Уттакин Чатага 30 дирҳам динорий, яхши сақланган, тоза (қумуш) пул беради. Шундан кейин бундай хотинни (Чатани) на хотин сифатида, на чўри сифатида сақламасин, уни қўйиб юборсин...»

Бордию Уттакин Чатани хотин қилмайман деган қарорга келса, бу ҳолда уни қўйиб юборсин, (лекин унга) озиқ-овқат берсин, (бирга ҳаётлар вақтида) олган нарсалари билан ҳамда товон пули билан (бошқа) шартларсиз уни жўнатиб юборсин. Шунда у Чатадан бошқа (ҳеч нарса) товондор бўлиб қолмайди. Шундан кейин у ўзига ёққан аёлга уйланиши мумкин. Агар Чата ҳам Уттакинга бундан буён хотин бўлмаслик қарорига келса, унда хотинликдан чиқиб кетсин. Бу ҳолда у Уттакинга қийинга яроқли қиймлар олгани безак тақинчоқларни ташлаб кетсин, Чата ўзига тегишли ва биргаликдаги ҳаёти давомида етиштирган мулкни олиб кетсин.

Шундан кейин Чата ўзи хоҳлаган эркакни ўзига эр қилиши мумкин». Ва яна дейлади: «Бу никоҳ битими — «қонулар уйида», унинг бошлиги Ваҳгўжон Вархуман ўғли ҳузурда тузилди. Бу ерда гувоҳ сифатида Скатч Шинич ўғли, Чахрен Ромич ўғли, Шав Махак ўғли бор эди. «Никоҳ битими» «Ром-

моддий аҳволидан хабардор бўлишлик хатоларимизни тузатиш йулида қилишимиз шарт булган вазибалардир.

Оллоҳнинг муқаддас китоби «Куръони Карим»да ҳам нафақа хусусида шундай оят бор: «Бой-бадавлат киши ўз бойлигидан (яъни бойлигига ярашадиган) нафақа берсин.

Кимнинг ризқи танг қилинган (камбағал) бўлса, у ҳолда Оллоҳ унга ато этган нарсалардан (яъни ўз ҳолига яраша) нафақа берсин! Оллоҳ ҳеч бир жонни ўзи унга ато этган (ризқ-руз)дан бошқа нарсага тақлиф қилмас, (яъни ҳар бир инсон фақат Оллоҳ унга ато этган ризқдан инфоқ қилишга тақлиф қилинур). Оллоҳ танглик — камбағалликдан кейин энгиллик — бойликни ҳам (пайдо) қилур». (Талоқ сураси, 7-оят).

Таассуфки, айрим диенатсиз, субитсиз нуҳсалар турғунлик даврида амал исканжасида ўз боласи учун нафақа талаб қилмаслик тўғрисида тилхат олиш даражасигача етиб бордилар. Бундайларни ким дейишга ҳайронсан киши. Букамунлар буй курсатиб қолган боласини қуриб, бир юмалаб фарзандпарвар бўлиб олавердилар. Ундайлар ҳар неки орсизлик бор, урдасидан чиқмоққа қодир. Уларда гурур эмас, оддий инсоний тушунча ҳам йўқ. Виждонсизлик остонаси бир қадам булган бу қабилар оилани ҳеч маҳал муқаддас қурган санамайдилар.

Тўғри, инсон фикрлари бугилган даврларда ажралишганларга олабузи сифатида қарашлар, ҳатто баъзан сиёсий ургу берилганлиги ҳам одамлар руҳиятига, ҳаракатларига маълум маънода салбий таъсир этган. Яъни «алимент» тўловини лавозимлардан пастлатилиши (агар аёл арз қилса), мансабдан маҳрум қилиниши айрим гурури паст зотларнинг ана шундай маънавий юзгубан кетишлари учун йул очди. Турғунлик йилларида инсон

ички туйғулари оёқ ости қилиниб, оилаларга нисбатан булган шу сингари ноодилона муносабат натижасида **шакли бору, мазмуни йўқ** «оилалар» қузиқориндек қупайгандлиги бугун очик тилга олинмоқда.

Етти ухлаб тушга кирмайдиган ҳолатлар, яъни битта ҳовлида яшаб «эридан» алимент оладиган «оилалар»нинг пайдо бўлиши ҳам разил сиёсатнинг жароҳатли оқибати эди. Фақат атрофдагиларнинг гап-сузларидан сақланиш ниятида ўзларини ойдек бирга яшаётгандек қилиб курсатиш тушунчаси маънавий юзгубанликдан булак нараса эмас.

Ойни этак билан ёпиб бўлмайди, деганларидек қашшоқ маънавият маҳсули булган бундай «турмуш» оилаларнинг камоли эмас, заволи эканлиги эндиликда кундек маълум бўлди.

Таажжубки, ҳозирги пайтда ажралиш натижасида юзага келидиган мулк бўлишувида қатор дилхиралликлар содир бўлади. Аслида қадимий манбалар мисолида қуриб ўтганимиздек, ожизалар ҳеч маҳал норизоликда қузатилмаганлар. «Куръони Карим»даги мана бу оят ҳам худди шу хусусидадир: «Агар бир хотинни қўйиб, бошқа хотинга уйланоқчи бўлсангизлар, аввалгисига саноксиз молу дунёни (махр қилиб) берган бўлсангиз-да, ундан бирор нарсани қайтариб олмангизлар!! Уни бухтон ва очик гуноҳ билан ола-сизми?» (Нисо сураси, 20-оят). Ҳа, ажралиш унинг нохушликларини ҳар қандай, ҳатто тошбағир кимсаларни ҳам совуқ хаёлларга буркайди. Шу тўғрисида бу мавзуда ёзишни ҳам ҳар доим хоҳлайвермайсиз. Афсуски, бу тушунчалар ҳозирга келиб қупчиликнинг бош қотирадиган мавзусига айланди...

Ҳа, биз мазкур мақолада нафақа ундиришнинг қонундаги ҳолатлари хусусида тухталмадик. Фақат мавзуга маънавий-руҳий жиҳатдан ёндошдик, холос.

Зеро, масалани бу жиҳатдан ойдинлаштириш ҳам фойдалан ҳоли эмас. Оила — муқаддас. Уни асрамоқ хусусида ҳар биримиз фикрламоғимиз лозим.

Қобилбек КАРИМБЕКОВ,  
Мухаммаджон АҲМЕДОВ







### Азиз ва меҳрибон падари бузрукворимиз Султонбой РАХМАТУЛЛАЕВ!

Биз Сизни улуг айемингиз—қутулуг ешингиз билан муборакбод этамиз. Оқ-оппоқ орзулар сизни уз қанотида юксакларга кутарсин, курганлар ҳавас қиладиган бахтиёр инсон бўлиб юришингизга тилакдошмиз. Бахт-саодат, шоду хуррамлик ва камолот Сизга ҳамisha ҳамроҳ бўлсин. Оллоҳ сиздан еруг ва нури кулларини аямасин. 7 фарзанд ва 20 набирангизнинг бахтига доимо соғ бўлинг.

**Кенжа фарзандингиз Рўзимат, набираларингиз Муножат, Маҳлиё**

### Хуррамлик МАХФУЗАХОН!

Сизни кутлуг 27 ешингиз билан чин дилдан табриклаймиз! Оллоҳ Сизга узоқ умр, ишларингизга ривож берсин.

**Аслиддин Бекбаев, қизларингиз Наргиза ва Дилдора**

### Хуррамлик ва Азиз АҚБАРОВА Мамлакатхон Раҳматовна!

Сизни 20 август—таваллуд топган кунингиз билан чин юракдан самимий табриклайман. Сизга худо-таолодан узоқ умр, келгуси ишларингизда, оилангизда бахтдан тахт тилайман!

**Дўстларингиз номидан Отабек,  
Пискент шахри.**

### Хуррамлик Бобди ШАШАНОВ!

Кутлуг 43 ешингиз билан табриклаймиз. Сизга Оллоҳдан сиҳат-саломатлик, узоқ умр тилаймиз.

**Рафиқангиз ва фарзандларингиз**

## ХУРМАТЛИ ТАХРИРИЯТ!

Инсон қувончу дардларига шерик, яхши-ёмон ишларида суянч булғувчи яқин кишидан айрилса, танг аҳволда қоларкан. Менинг турмуш уртоғим утган йили автомобил ҳалокати туфайли оламдан куз юмди, 4 фарзандимиз билан мени ташлаб дорулбақога кетди. Раҳматли жаннати аёл эди.

Сизларга минг истиҳола билан ушбу хатни ёзишимдан мақсад эса, фарзандларимнинг қузига боқиб она меҳрига ташналикни сезяпман. Шунинг учун 30-40 ёшлардаги одобли, оқила, уйим-жойим дейдиган, болаларимга оналик меҳрини бера оладиган аёл билан ҳастимни боғласам, дейман.

Ҳозир ешим 41 да. Олий маълумотта эгаман. Битта рўзгорни бекам-куст тебратишга бемалол қурбим етади. Фақат ана шу рўзгорим оқила бекага муҳтож.

**М.ШЕРОВ,**

**Қорақалпоғистон Республикаси,  
Тўрткўл шахри, Навоий кўчаси, 42-уй**



Зарчава. Унда кучли тозалаш хусусияти бор. Зарчаванинг шираси кузни уткирлаштириб қорачидаги катаракта ва оқни кетказишга жуда фойда қилади.

Итузум суви билан гаргара қилинса тиш милкидаги шишлар йуқолади. Ширасини кузга сурма қилиб қуйилса, қуриш қувватини оширади.

Мойчечак мяни кучли қилади, совуқдан булган бош оғригини йуқотади. Сийдикни ҳайдайди ва тошни чиқаради.

Тоғ райҳони қуририлганини асал билан қушиб қонталаш, кукарган жойга суртилса кетказади.

Шолғом, гушт билан қушиб қайнатилган шолғом сийдикни ҳайдайди, шаҳвоний қувватни оширади.

Мурч. Агар дориларга қушиб истеъмол қилинса йўталга ва кукрак оғриқларига жуда фойда қилади. Асал билан қушиб танглайга суртилса, томоқ оғригини тезда тазатади, улкани тазалайди. Ёғ билан қушиб суртилса, эт увишишга фойда қилади.

«Саломатлик сандиг»дан

• Чақалоқларга юлдузларни кўрсатиб турилса, катта бўлганда узокни кўзлаб иш юритадиган, фикрлайдиган бўлади.

• Тумов учун энг зўр дори исирик тутунидир. Чигирткани қуришти талқон қилиб истеъмол қилинса, сийдик тугилиши ва томишига даводир. Ковунда темир моддаси сутга нисбатан 17

## БИЛИБ ҚҲЙГАН ЯХШИ

• баробар кўпдир. У буйрак ва қовуқдаги тошларни ҳайдаш хусусиятига ҳам эга.

• Куйидаги нарсалар одамнинг доимо соғ-саломат юришига сабаб бўлади: кам ейиш, кам гапириш, кам ухлаш, кам ишрат қилиш, ўзини ёқимли нарсалар билан муаттар қилиб юриш ва тез-тез ҳаммомга бориш.

• Куйидаги нарсалар одамларнинг саломатлигига зарар қилади, умрини қисқартиради ва обрўсини тўқади: бировларни масҳара қилиш, уйдаги сувнинг устини очик қолдириш, уй ичида ўргимчак инларининг осилиб туришига йўл қўйиш, кийим-кечакнинг йиртигини ва тугмасини кийилган ҳолда тикиш, ювилган юз-кўлни либос этаги билан артиш, тирноқни тиш билан қисқартириш.

Абдулаҳад АБДУЛЛАЕВ тайёрлади,  
Ёзёвон тумани

## «ИНВАЙТ-ПРИЗ»НИНГ БИРИНЧИ ЮТУҚЛАРИ ҲЙНАЛДИ

15 август кун Олой бозорининг Марказий павилонида «Инвайт-Приз» уйинининг биринчи ютуқлари ўйналди. Ушбу воқеага қизиқиш катта бўлди. Сабаби, уша кун 500 та соврин ўйналди, улар орасида энг катта ютуқ — «Нексия» автомобили ҳам бор эди. Ҳар бир совриннинг номи ёзилган капсулани лототрондан томошабинларнинг куз унгида ешига қизча олиб бериб турди. Иккинчи қизча эса бошқа лототрондан уйин қатнашчисининг рақами ёзилган капсулани оларди. Сунг тираж комиссияси компютердан ютуқ чиққан шу рақам кимга тегишли эканини дарҳол эълон қилиб борди. Шу тариқа катта ютуқлардан бири — «Сега» русумли компютерда уйин приставкаси тошкентлик Р. Шерманбоевга насиб этгани маълум бўлди. Янгийўллик О. Цой «Хитачи» чангюткичи, Сирғали туманида истиқомат қилувчи И. Лушан эса «Шарп» совуткичи соҳиби бўлишди. Биринчи уйиннинг бошқа иштирокчилари орасидан «Жи-Ви-Си» телевизор ва магнитофони, чангюткичлар, тоғда юришга мулжалланган велосипедлар, ошхона комбайни, «Филипс» дазмоли, роликли конкиларнинг соҳиблари ҳам маълум бўлди. Буларнинг бари йирик совринлар эди, албатта. Лекин ҳамма бош соврин — «Нексия» кимга насиб этишини орзиқиб кутарди. Олиб борувчи томошабинлар сабр-бардошини синагандек уйин иштирокчисининг қайд қилинган рақамини бирин-кетин санай бошлади: нол, етти, нол ва яна нол. 700-рақам этаси оппоқ автомобилда уйига кетадиган бўлди. Лекин ана шу бахтли инсон ким экан? Компютер бу рақам

билан тошкентлик Муқаддас Хужава руйхатга олинганини маълум қилди.

Биринчи уйиннинг яна 485 иштирокчиси турли совринларни олади. Уларга фирма рамзи туширилган майкалар, турли рангдаги бейсболкалар, «Элис» ва «Инвайт+» ичимликларининг яхлит туркумлари топширилади. Натияжада уларда иккинчи уйинда бошқа катта совринларни ютиш борасида жуда яхши имкониятлар юзага келади. Иккинчи уйин 25 сентябрда ўтказилади. Унда яна «Нексия» автомобили, телевизорлар, совуткичлар, чангюткичлар, велосипедлар, роликли конкилар, дазмолар, видеопроставкалар ва бошқа ютуқлар ўйналади. Уйин шarti аввалгича қолади: «Элис» ёки «Инвайт+» ичимликларидан бушаган унта пакетни Тошкентдаги Бошпочтампта юбориш ёхуд Олой бозоридagi Марказий павилонга олиб келиб топшириш даркор. Бундай ҳар бир конверт руйхатга олингандан сунг компютерга киритилади ва «Инвайт-Приз»нинг иккинчи уйинида иштирок этади.

Албатта, газетамиз укувчиларининг купчилиги бу уйинда қатнашган ва улар биринчи уйин натижаларини билишни исташади. Ташкилотчиларнинг бизга маълум қилишларича, уйин якунлари «Постда» ва «На посту» газеталарининг 22 август сонида тулиқ босилади. Ютуқларни қандай олиш тўғрисидаги ахборотни Тошкентда 77-17-46 ҳамда 77-80-12 рақамли телефонлар орқали олишингиз мумкин.

**Мебел  
йпғаман.  
Тел:  
46.30.03.**

### АЗИЗ ТОШКЕНТЛИКЛАР ВА ПОЙТАХТИМИЗ МЕҲМОНЛАРИ!

«Оила ва жамият» тахририяти сизларга яна бир қулайлик яратди. Энди табрик, «Оила» эълони, хусусий эълон ва билдирувларингизни газетамизда чоп эттириш учун овоза бўлиб тахририятимизга келишингиз шарт эмас. Шаҳримизнинг марказий қисмидаги барча дуконларда «Оила ва жамият» учун эълонлар қабул қилинмоқда. Бунинг учун истаган газета дуконидан «Эълонлар варақаси» олиб, эълонингиз матнини аниқ ва чиройли қилиб ёзиб топширсангиз кифоя, у сиз истаган муддатда газетамизда чоп этилади.



Осмонларни қучгим келади